




閩南涉臺族譜彙編

063




名譽主編：陳支平 林曉峰 林彬
主編：蕭慶偉 鄧文金 施榆生



國家『十二五』重點圖書出版規劃項目
國家新聞出版改革發展項目庫項目



閩南涉臺族譜彙編



063

名譽主編：陳支平 林曉峰 林彬
主編：蕭慶偉 鄧文金 施榆生



福建人民出版社
海峽出版發行集團

目
録

虎丘義山黃氏世譜（一）

.....

—

目
録



虎丘義山黃氏世譜（一）

黃尊杰 修輯

民國二十一年（1932年）

《虎丘義山黃氏世譜》，民國二十一年（1932年）黃尊杰修輯。虎丘義山黃氏家族是福建黃氏的主要淵源之一。譜中多有族人遷臺記錄。

虎丘義山黃氏世譜卷一



邱虎

義山黃氏世譜

陳寶琛題

民國二十一年壬申仲冬刊 裔孫尊杰修

虎丘義山黃氏世譜

孟瑋棠拜題



虎邱義山黃氏增修譜序

義山宗人尊杰諸彥以新修族譜成來俾予序予嘗造義山之鄉矣分房十四聚族三千子姓極蕃焉亦嘗謁義山之祠矣自光州入閩居閩清爲虎邱始祖唐末敦公之後十二世祖遷閩縣義序鄉宋之復公以下世祀咸秩焉又嘗覽義山之譜矣自雍正間廿八世祖紫烈公重修以來迄今二百年又十餘世宗支遞衍不知其幾倍而再修尙有待焉乃者尊杰輩諸宗人奮然興起問之則已歷二十年之工鉅而力銳如此可不謂難矣乎以二十年之久爲之其考訂詳明自不待論其自序以今日天下大亂由於不能敦宗睦族所見更有大誠哉知本也孟聖有言天下之本在國國之本在家家之本在身距今三十年前新學者競尙西儒學說遂謂中國不振弊由各抱家族主義於是後生成以國民自命引天下興亡爲己責顧其事如何矣舍一身權利之外寧有國之一字在其胸中其於家族抑又如何吾黃家族編於閩中予所見各處宗譜頗多自辛丑隨扈還京卽有意於追原本始先求育黃之所自出次推命氏之所由來準經參史旁及諸家氏族之書並其討論不下百十種亦費數年之力成姓氏古系考一書從而知黃即春秋江黃道栢之黃史記伯益佐禹治水有功舜賜姓嬴子孫分十四氏黃爲十四氏之一初其封國之名在今光州定城西後國併於楚子孫以國爲氏此其最灼然者又由國語綜合史記上溯少皞乃黃帝次妃方雷氏所出壬子之春避地海上特往曲阜拜金天氏陵曾撰聯云運誕皞金方雷胤已祚儲玄玉嫡水蕃嬴是說頗與諸譜不合故所輯古系考未能出以示人諸家之譜俱有所本不妨各尊所聞其統出於軒轅一也各方於始遷祖所傳代次不失房位分明更能得始遷祖之所自出不誣不紊是亦可已宗族相與敦睦型仁講讓富者不專務封殖貧者勿誤蹈非爲青年

子弟弗逐浮澆大學所謂一家仁一國興仁一家讓一國興讓一人貪戾一國作亂聖人之言萬世不易被詆詆家族主義者何所容其藉口居恒誦陸放翁詩句明時恩大無由報聞與鄉鄰講孝經深有味乎其言也

歲癸酉閏五月宗後人

光緒壬辰進士

允中敬序於屏麓黃樓



虎邱義山黃氏世譜序

先王人治之大莫大於親親親故尊祖尊祖故敬宗敬宗故收族不此之務其不至途人其宗族與途人其祖宗也幾希隨按舊譜吾黃氏肇於

黃帝軒轅氏傳

昌意

顓頊延二帝三王逮漢魏隋唐咸中州望族唯

敦公丁五季乃

出而南依忠懿王卜居閩之閩清之梅溪村遂爲遷閩始祖世稱虎邱黃氏者也洎五

世元昭公遷永福之龍井按元昭公序開父驥公由閩清遷永福龍井居焉歷宋累葉十二世

之復公遷閩縣義序乃爲義山黃氏仍冠以虎邱從其朔也由是而元而明而清而中

華民國都四千六百有餘年原原本本繼繼承承志乘俱存難以餽縷其間道德功名

文章經濟炳炳麟麟巍翼翼史不絕書世不廢祀具詳於譜及宋丞相信國公文文

山先生序中不敢贅禮云萬物本乎天人人本乎祖人物皆天所生也物有萬類人爲萬

物之靈其初皆出於一祖故聖人以中國爲一人天下爲一家民吾同胞物吾同與倘

盡人盡能由身而溯之祖由祖直溯之開天闢地來之初祖則普天率土恒河沙數之

圓顙方趾同吾食味別聲被色者安知非吾同族耶胡以言然他且勿論但如吾祖

軒轅帝二十五子得姓者十有四同胞而不同姓也則非同姓尙不可不視若同胞況吾

虎邱而龍井而義山直接帝邱尤大彰明較著者吾惡乎而不用吾情范文正公云族

有親疏以祖宗視之則無親疏夫人能以祖宗之心爲心則同族不啻同胞無論若何

彌縫其闕匡救其災百姓且宜親睦況於一姓况於同族古人尊祖敬宗必以收族爲

務收族則統紀爲先統紀則修譜爲要矣譜脩就令支分派別椒衍爪繇億祧京垓粹

難辨悉而沿流溯源因枝整葉某祖某宗某昭某穆或官或商遷於某時發於某地萃

萃彰明釐然咸秩故有譜視現在固都成眷屬在當年則唯一家庭因思其時屬毛離

裏同氣孔懷若何翁和若何就樂由是而賢其賢親其親樂其樂利其利則譜乃敦睦

機關而亦太平左券也譜之可寶如是是爲覽斯譜者胥知親親也知親親斯於一脈

之傳一本之親而一視同人矣周之興也三千人同心同德致天下於太平吾族於前

清光緒紀元戶口尤夥迄茲民國壬申又五十有八年世經兩世蕃衍未過於前記有

云子孫賢族乃大兄弟睦家之肥然則家肥族大我兄弟子孫之責也吾觀於詩其先
 必有麟趾之振振公子振振公族振振公姓而後乃有孟斯之子孫緝緝子孫蟄蟄子
 孫繩繩理有可推事固不爽審是則譜之修非僅世系而已揭櫫先人德業昭茲來許
 俾知念祖脩德保世滋大常馨香焜耀于兩間以軒鑿鼓舞億萬百年之子姓庶慰
 在天靈爽也尊杰所以不揣樸昧罔敝轍闢承世用公晉楚公所輯於明葆光公紫烈
 公所輯於清者既顯列眉瞭如指掌重纂列續足之乃今而後覽之之者益憬然於數
 千百年前原共一堂數千百年後聯如一貫由是族閒沆瀣一氣水乳交融士農工賈
 父在斯子兄在斯弟老吾老以及人老幼吾幼以及人幼還醇返樸易氣旁流始于一
 族推之一國至于天下其有不益相敬愛益罔簡慢吾不信也書不云乎九族既睦萬
 邦協和黎民於變時雍譜出之後幸各昭然豁然或省識鵠原植肝膽以力爲羽翼萬
 保全鳳紀團精神而共翬靈長行見中華萬歲民皆孝友睦婣任卹之民國亦和親康
 樂安平之國猗歟懿鑠哉唐虞景運再見於今也拭目俟之是以爲序

中華民國式拾壹年壬申三十五世孫尊杰字永遠敬撰



虎邱義山黃氏世譜

卷一

目錄

原姓引

虎葬公碑記

譜序 (一)泰撰 (五)忠撰 附奏章顯濟記
(二)張肩孟 (四)文大祥
(三)景說撰 (六)王應龍

世德歌

木本圖

宗祠誌 附祖家訓家規文顯公詩

四房支祠誌 附修建記

水陸尊王廟誌

文昌閣誌 附斗巖奎光閣獅子亭記

墳山誌

橋道誌

入閩始祖傳

十二世祖遷義序始祖傳

四世福房分各房傳

后園二房傳

中岐房傳

四房祖麟子公傳 附經勳亭誌

杭下房傳

天地人大模共祖傳

地房傳

宗支圖引

入閩譜誌

(八)葛撰 (十)國瑞
(七)應麟 (九)克英 (十二)輔德

通族歷代官錄

義序鄉地圖

重修宗祠誌 附通族作名字行次

新厝房支祠誌 附重修記

定光寺誌

將軍廟誌 附諸神廟記

山川風水誌

江夏顯祖全傳

自二世祖至十二世祖合傳

義序二世祖三世祖傳

四世壽房分各房傳

后園兜房傳

平甫公傳

宅尾房傳

倉埕房傳

天房傳

人房傳

公甫公傳

洋頭房傳

一房傳

上埕房傳

新厝舊厝共祖傳

舊厝房傳

本派歷代功德錄

卷二

入閩世譜

后園西房譜

中岐房譜

杭下房譜

卷三

倉埕房譜

地房譜

穆源大模房譜

卷四

洋頭房譜

下厝房譜

上埕房譜

卷五

新厝房譜

舊厝房柏公派譜

浦口房傳

六房祖侍公傳

下厝房傳

天秩公派傳

新厝房傳

天瑞公派傳

孝節妣錄

后園東房譜

后園兜房譜

宅尾房譜

天房譜

人房譜

浦口房譜

一房譜

天秩公派譜

舊厝房
模份公派譜

天瑞公派譜

虎邱義山黃氏世譜

原姓引 舊作佚名

原姓之編辨族氏也左氏之言曰天王建德因生賜姓分土而祚之氏蓋姓之爲言生也生出一原母使其相別也氏之爲言屬也分族別類各自爲屬母使其相混也後世系派不明妄引聖哲以爲祖故方而出於神農陳而出於聖舜世遠未必無失眞之病黃氏宗譜歷歷有據世有聖喆代有冠紳蓋軒轅黃帝裔也開天之明德遠矣子孫千世蕃滋榮臚理固宜然不然崇韜之於令君狄青之於仁傑不數百年弗得妄指而況於千載之夏渺哉

宗支圖引 舊作佚名

詩曰麟縣瓜瓞民之初生自土沮漆蓋言宗支遠而彌長微而遞衍如瓜之先小後大也虎邱之黃始自敦公一人耳產有六子爲宗爲禮爲凝爲敦爲啓爲余支析派分抑何椒聊條遠也宗後爲閩清躍山塔庄瀘溪省城禮後爲永福麟峯東洋尤溪裡洋連坂邵歧凝後爲州城西門石嶺石井連桂坊敦後爲永福龍井一都大章龍嶼義序仙岐啓後爲閩清黃石余後爲寧德涵源台州黃岩其間宰相而下拖金纍組者不可縷數也繼體而子而孫而曾元雲礽一身而拓爲萬身倘譜牒不修卽一郡一邑不相認况他郡旁邑哉今虎邱之譜自一邑及全閩悉備編中使子孫有所考據卽遐陬遠里知其爲伯叔兄弟姪孫也蓋分派世次可徵也嗟嗟雖千萬世可徵也

虎葬公碑記

宋 大中祥符三年庚戌進士丹徒主簿五世孫誥 撰
宣和二年庚子進士徽州通判九世孫 恩重 修

始祖諱敦光州人也年未弱冠從忠懿王來閩不榮以祿志樂山林于時晦蹟尋幽抵梅溪邨蓋平里卜居鳳棲山興創廬舍墾闢田畝構茅屋種花果清居樂道凡有登門者非有道不接易曰不事王侯高尚其事公之志也每舍仁展義積善進德娶江南陳氏生六男長曰宗年方弱冠次日禮年方弁角餘皆幼穉公壽五十有八一旦攜筇登廬後覽景忽豺狼驚恠投地倏然而逝至暮子宗率人尋至峰頂長松塢下見公體膚如故殊無損壞蓋因駭而中風宗等號泣聞天擬昇歸不動倍以數人復不動宗等痛呼無何遂虔致奠禱公之前即

令就彼安厝乃芟蕪闢壤以土培棺爲墳不踰三尺未幾日漸增丈餘迨乎一紀愈高愈隆宛若山阜自此子孫益盛皆馴於善豐財富產紆青拖紫迨至本朝屢登桂籍綿綿不已信乎墳塚契八卦順地理合陰陽應吉凶非偶然也語祖父彥榮思墓先人之業欲報罔極之恩倡率宗族議欲播之將公所居之地創爲蓮宮將公所闢之田充爲鄉積復割二頃田爲公婆忌辰於是奏聞朝廷朝廷賜名額謂之護國積善院其欲彰公積善之名令百世之下無遺墜也噫公之殂非豺狼之所能殂乃天之所使也公之葬非假術士之精擇乃天之所指也語忝承後昆幸受餘庇不爲不多矣敬爲記銘以狀其先緒禮經曰稱揚先人之美以明著於後世此孝子慈孫之心也雖曰言無文行不遠亦姑記其略云爾

銘曰嗚呼先君異哉厥葬山之來龍兮凌雲蒼蒼天錫善地兮宛然穴藏慶庇後昆兮遐福洋洋圭峰拱揖兮虎伏龍降旌旂隊伍兮地久天長

墓在閩清七都積善院後鳳棲山頂

知積善院周微立石

保義即十四世孫榮叔立

虎邱

開散郎張居中書

學士劉克壯題云

本是鳳棲一草廬百年科第古今無門前豸繡山長在爲勗雲勸鄰架書

入閩譜誌

宋慶元壬辰永陽麟峰十一世孫 行簡 修并序禮公後字廣德

始祖五公諱敦唐末自光州固始挈其族南依王氏景福二年癸丑始入閩乾寧四年丁巳唐授王以福建節鉞明年公從之請地得梅溪邨蓋平里鳳棲之原而家焉公生唐大中八年甲戌年五十八即世實五代後梁乾化元年辛未四月二十八日也初公晦德躬耕登廬後峯異其形勝每徘徊其間俄以壽終因攢其地夕有巨虎咆哮發土培樞遲明視之殆若培塿子孫驚異以爲神遂即宅兆世傳虎葬是也自茲子孫繩紼豐殖衣紫拖朱代不乏人

今之言地理者多稱虎葬爲準式雖神物效祥殆非人力抑公厚德積慶流衍絲遠故應有此三世孫彥榮始率族屬建寺立祠以田二頃充香火之積奏聞本朝請額敕名護國積善院五世孫潤州丹徒主簿諱撰碑記載公行狀甚詳慶元二年丙辰春二月行簡等集拜祠下會閩清宰馬公子嚴字莊甫登覽先塋因詢虎葬之義以所傳告公曰不然此好事者爲之也古之人不以薄葬爲儉顏魯公表元次山之墓云四月庚午薨于永崇坊之館十一日壬寅虎葬于魯山青嶺泉坡原禮也豈亦於菟之力哉然茲事世代相傳且于譜牒碑誌有所考據異于馬公之說故並記而訂正之祖妣江南陳氏後唐長興庚寅年八月廿八日終有子六人宗禮凝敦啓余派居邵武汀州等郡在籍譜系灼然備見隨支標註鄉貫名位以便討畧云

原序

五世孫 元旺 修

宋淳化三年壬辰進士諱贈金紫光祿大夫月州張肩孟 撰

嘗謂萬物本乎天本乎祖自有生以來不知其幾千百年亦不知其幾千百人矣後之子孫孰從得而譜之不過即世近而可知者錄之其遠而不可知者孰從得而詳之世之好事者有強其所不知者牽挽附會以欺乎人是欺其心也元旺求修譜序爲始祖敦公自光州固始隨王渡閩初從父霸弟膺居於清流泰寧鄉梓潭村及父卒葬于清流白塔橋焉厥後又改築閩清之南鄉蓋平里鳳棲山其庵號曰積善堂又曰虎邱鳳棲山初娶江南陳氏產六男宗禮凝敦啓余載譜牒甚盛枝葉分派截然可據至是元旺父騰由閩清遷永陽龍井居焉實太平興國三年三月也元旺慮恐譜牒歲遠支派難尋求請纂修成圖蓋欲其別親疎悼族屬可謂知本而溯源矣可謂詳實而不欺其心矣可謂善繼善述而克紹先人之德者矣夫譜系既修則昭穆之義明昭穆明則尊卑之分定尊卑定則禮義生禮義生則成雍睦之族故曰君子創業垂統爲可繼也其元旺之謂乎嗟乎自世之大宗小宗之法不立則先王之制廢故士大夫子孫鮮有以譜系爲重者今元旺知所重焉是譜從一世以上無可考者不敢牽合附會以誣諸後人自虎邱敦公以下如敦生鈞鈞生騰及振騰其父也今爲之明昭穆之親疎尊卑之隆殺世數支派之遠近以垂示後人俾子孫皆不忘其先世咸知尊祖而敬宗睦族而敦倫後之黃氏瓜瓞綿綿冠裳焜耀以垂休於不朽者其不在茲乎肩